

23 FEBRUARI 2018

Pelakon komedi serah sendiri ganja

14 setempat 23-02-2018

"Seramai lima anggota BSJND Wangsa Daerah pergi ke sebuah rumah di Taman Melati didiami artis itu susulan maklumat diterima Mohamad Roy Suhaimi Sarif"



HARIAN METRO

Mohd Hasbi Sidek
news@nstp.com.my

Pelakon komedi serah sendiri ganja

■ **Pelawak ditahan di rumah di Taman Melati**

Kuala Lumpur

Tanpa digertak seorang pelakon komedi yang juga pelawak tempatan bertindak menyerahkan ganja disimpannya kepada anggota polis.

Lelaki berusia 26 tahun itu dikatakan menyerahkan ganja seberat 7.50 gram dan alat untuk menghisap ganja sebaik kediamannya di Taman Melati di sini, diserbu polis, jam 1 tengah hari kelmarin.

Dalam serbuan itu, polis turut menemui alat untuk mengisar daun ganja milik pelakon drama seram Misteri Wan Peah dan drama Sumpah Ibu itu.

Ketua Polis Daerah Wangsa Maju Superintendan Mohamad Roy Suhaimi Sarif berkata, tangkapan di-

lakukan anggota Bahagian Siasatan Jenayah Narkotik Daerah (BSJND) Wangsa Maju.

"Seramai lima anggota BSJND Wangsa Daerah pergi ke sebuah rumah di Taman Melati didiami artis itu susulan maklumat diteri-

"Ketika serbuan hanya terdapat artis terbabit di dalam kediaman itu.

"Artis terbabit kemudiannya mengambil sendiri satu beg kain berwarna ungu dari bawah meja di ruang tamu rumah mengandungi satu botol plastik lutsinar berisi ranting dan

daun kering disyaki dadah jenis ganja seberat kira-kira 7.50 gram," katanya.

Beliau berkata, polis turut menemui satu alat pengisar disyaki untuk mengisar daun ganja itu.

"Turut dirampas satu botol plastik yang diubah suai disyaki peralatan

menghisap dadah berkenaan.

"Berdasarkan siasatan awal lelaki ditahan itu mengaku mengambil bekalan ganja dari seorang lelaki dikenali sebagai Sapek di Shah Alam, Selangor," katanya.

Menurutnya, pelakon yang berasal dari Kuala Kangsar, Perak, itu juga mengaku mengambil dadah sejak enam bulan lalu.

Susulan itu lelaki terbabit dibawa ke Lokap Berpusat Jln Jang di sini, untuk siasatan lanjut mengikut Seksyen 6 Akta Dadah Berbahaya 1952," katanya.